

而安相公奏聞其術於帝也，便賜以法印，昭慶之後定祐、定珪、定加、季慶、定宣、定勝、定快、公美、公道，而今之公豐承公道而相繼，皆血脈綿續，世々任法印云。公豐字謙豫，醫學明辨也。爰天明丙午之秋，校訂其延壽類要，始而卒業於其翌歲，彊圉協洽之仲春，顧者其於醫道豈不大勳勞哉。○中略

天明七年丁未之歲春三月

賜任從五位下大和守典藥頭和氣朝臣成美君人撰書于卿雲之僊館

〔竹田雄譽光英法印壽像贊并序〕夫竹田定加，法名光英，別號曰雄譽，其先攝家九條右丞相公季裔流，清水谷竹田中納言公定卿，攀弟明室淨眼法印者，公鼻祖，而志醫未解其疑團，以故應安二歲在己酉，入大明謁金翁道士學醫，道士感激不遠萬里之志，而醫家之群書妙訣，牛黃圓等之秘方，皆以教之，加之道士有一女子嫁焉，得二子，洪武間，大明皇后難產近死，以一針得活，而誕皇子，帝樹其功，賜安國公封，永和第四戊午，棹一葉扁舟，載得大唐醫家之秘訣歸吾朝矣，其令孫禱于北野管神，誕一子，乃快翁宗俊是也，學涉諸藝，名列十科，累代醫術連綿相承，故乃父了光法印臨末後，手自書曰：定加亦當其器矣，鍼灸磨藥，療病諸說，一々無殘於秘奧傳之，良有以公一顧於衆病，則衆病如湯雪而莫不治，可謂不墜父祖遺緒者也。○中略

慶長三歲在己戌八月如意殊日

前禪興北川正五

〔本朝醫考〕中久志本

其祖出自天叢雲命，是天孫陪侍之神也，其八世曰乙若子命，爲伊勢太神主，累世掌其職，末裔石部季光，長德年中叙從五位上，後一條院寵遇，特渥寬仁元年勅賜度會姓，以改石部，其曾孫常任以除禁忌之藥爲神宮之醫，始號久志本，以度會郡有久志本也，子孫相續爲神職，被叙位且事醫術。

〔皇國名醫傳前編〕下吉田氏

吉田德春號仁本姓佐々木，曾祖嚴秀，食邑於吉田，因爲氏，德春以醫仕室町幕府，叙法印，晚年致仕居